



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrōno.



QUÆSTIO MEDICA,

CARDINALITIIS DISPUTATIONIBUS  
*manè discutienda in Scholis Medicorum, die Jovis vigesima - septima  
mensis Februarii, Anno Domini M. DCC. XLIX.*

M. HIACYNTHO-THEODORO BARON,  
Antiquorum Facultatis Decanorum Antiquiore,  
Doctore Medico, Præside.

*An Senibus Chocolate Potus?*

I.



OMO nascitur, ut patiat. Vivit, ut moriatur.  
Mors, vitæ dolorumque finis. Ergò ne mori adeò mi-  
serum est? Seriùs ocyùsve ineluctabilem hanc attingit  
metam. Vix natus quandòque perit, sæpè adultus &  
maturus, rarò senex. Hominis dùm vita fluit, pluri-  
mas experitur in animo & corpore mutationes; quas  
jugis & alterna solidorum cum fluidis lucta, rerum non naturalium usus

A

abususve ingenerant. Hæ mutationes nusquam magis conspicuæ sunt, quam in variis vitæ ætatibus : ideo illas quatuor anni tempestatibus comparavere Medici. Quemadmodum Vere, plantarum semina progerminant & evolvuntur, Æstate crescunt, Autumno maturescunt, Hyeme marcescunt & emoriuntur : sic in Infantia & Pueritia, evolutum germen hominis expanditur, in Pubertate & adolescentia explicatum crescit, in constanti & maturâ ætate roboratum solidescit, in senectute decrescit & ruinam minatur. Noli senectutem semper annorum numero computare. Venit illa sæpius ante tempus ; dum in tempore nondum adest. Plurima sunt quæ præmaturam accerfunt senectutem, præsertim ingluvies, desidia, luxuries, mœror. Cupis-ne tardam senii experiri necessitatem, aut molesta hujus ætatis tædia præcavere ? Te Medicis obliga legibus. Diu & salubriter vivit, qui Medicè vivit. Animi motibus frantum injice ; iras comprime ; venerem illicitam reformida, legitimam modera ; mœrorem, sanitatis venenum, depone ; hilaritatem, vitæ condimentum, cole ; aëre puro, temperato, sereno fruire. Esto ad laborem impiger ; fuge desidiam, somnus sit nec longior, nec brevior, ut & vigilia ; haud plus ingere quam evacues ; sume cibos simplices, tenues, facile parabiles, optatos tamen : at iis nusquam ad saturitatem utere. In eligendo potu, cura sit maxima : ut enim facilius est potu repleri quam cibo, sic & facilius lædi. Non unus idemque convenit omnibus & temperamentis, & ætatibus. Potus Senibus salubrior est, qui arcet à solidis, rigiditatem ; removet crassitiem, à fluidis ; fovet in utrisque amicum æquilibrium ; hoc vigenre, corporis & animi functiones perficiuntur ritè ; at eodem deficiente, pessumdantur ; atque humana machina, senio deficit, morbo dissolvit, fato corrumpit.

## I I.

**S**ANCITAM senescendi ut moriendi declinare legem, non est virtutis humanæ. Sed stabilire præcepta, remedia invenire, præscribere alimenta, quibus senectus retardetur, illiusque præcaveantur mala, aut saltem tolerabilia reddantur, Medici juris est atque potestatis. Dolenda certè senis conditio. Hunc malorum omnium, quasi prædam non ineptè dixeris. Nec mirum ; adeo mutata, deformia, funerata sunt in senè, quæ hominem nobilitabant corporis & animi ornamenta, ut senem, non tam hominem, quam hominis simulacrum crederes. At non omnibus par calamitas. Sunt quidam (pauci tamen) quibus virides, lætos, jucundosque in senectute etiam provectioni dies traducere concessum fuit : illi sunt ; qui ficti me-

liori luto, in rebus servavêre modum, aut qui ridenti ætatis Vere, aridam senectutis Hyemem cauti metuêre. Ut in Hyeme, sic in senectute corpora siccescunt. Senescere, siccescere est. Siccitas à solidorum induratione, & ductuum exilium obliteratione, à fluidorum spissitudine & falsugine. Vasa in Senibus obliterari, futurarum in Cranio evincit abolitio; solida indurari, membranæ, tendinum; tendines, cartilaginæ; cartilagine, ossium adepta soliditatem, demonstrant. Fluida inspissari, Polyposæ concreciones; acescere, Pruritus, Tusses, Rhumatismi, Dysuriæ &c. ostendunt. Humoris defectu, concidunt, obturantur ductus, arescunt partium fibræ; sic collapsa, angustata, compressa vasa non ampliùs insuccantur: inde in Senibus corporis marcor, rugæ & ossium fragilitas. Duplex senectutis labes; prima, à solidis, quorum tabascit mollities, cadit elater, segnescit oscillandi virtus; altera, à fluidis, quorum crasis alteratur, ductilitas deficit, evanescit dulcedo. Igitur in Senibus depravari cõtion- nes, secretiones impediri, otiari excretiones, vires atteri, valetudina- riaque fieri eorum corpora necessum est. Status senum, morbus jugis, aut saltè assidua morbi causâ. Durescentes fibræ constringuntur, bre- viores fiunt, coarctantur vasa, oritur spasmus naturalis; à spasmò, os- cillandi segnities, hinc membrorum frigiditas. Labascente *syftalticâ* vi, sanguis, lymphâ, spiritus, succi omnes ignaviùs pelluntur, con- crescunt, remorantur, hærent. Arctatis vasorum diametris, liquida non depurantur, redundant in vasis humores, qui copiâ, morâ effe- vescentes & acescentes, balsamicam temperatamque non modò exunnt indolem, sed & immitem, salsam & urentem induunt. His ex fontibus malorum & morborum senilium origines. Sed inquis, quænam Panacea, tantam à senum corporibus avertet ruinam? Potus est, qui nutriendo simul & humectando, partibus solidis, mol- litiem, oscillationem, vigoremque præbet; qui fluidis tenuitatem, volubilitatem, dulcedinemque procurat: tali potu dabitur Senibus quodammodò juvenescere.

# I I I.

**P**OTUS ad viram necessitas maxima; ad secundam & adver- sam valetudinem amplissima utilitas. Potus siti compescendæ, partibus humectandis, diluendis, demulcendis, temperandis humo- ribus, à naturâ potissimum dicatus est. Immenfa potûum varietas. Nulla est gens, quæ suos non habeat familiares & caros. Alii sim- plices, compositi alii; hi & illi, spirituosî, vinosi, aquei; cum flo- ribus, seminibus, fructibus, radicibus, foliis, vel fermentatione, aut cõctione, vel infusione aut maceratione, conficiuntur. Aqua

potus, solus omnibus animantibus communis, & maximè naturalis, sitienti necessarius & sufficiens: ceteri ad voluptatem potius quàm ad necessitatem inventi. Hos inter potus credas salubriores, qui ad aquæ indolem propius accedunt. Præter aquam, potulenta apud nos usitiora sunt Vinum, Cerevisia, Pomaceum; Thé, Café, Chocolata. At omnium sit rectus, moderatusque usus, pro diversis anni tempestatibus, hominum temperamentis, ægritudinibus, ætatibus. Singulare in confirmandâ & restaurandâ senuum valetudine laudem meretur Chocolatâ. Massula est ex quâ fit potus, apud Americanos antiquissimus, vulgaris, sed insuavis; apud Hispanos recentior est, & suavior, sed non salubrior; apud nos & per totam serè Europam, nunc percelebris & maximi usus, Parisiis præsertim ubi omnium perfectissima & saluberrima elaboratur Chocolata. Cacao, veluti basi, Vanilliâ, inter Aromata gustu & odore gratissimâ, & Saccharo, quod utrumque mitigat ac perficit, conflatur. Saccharum additur serè ad æquale pondus Cacao; pro hujus unaquâque librâ Vanilliæ drachmæ duæ sufficiunt. Hanc è Chocolatâ si sustuleris, suavitatem & odorem detrahes; adjicies bonitatem. Inquiris de Cacao? Amygdala est in Nuce, Nux in fructu inclusa: fructus pendet ex trunco, quandoquè ex ramis majoribus, Arboris ubertim crescentis in Guianæ & Mexicanæ Plagis, nunc etiam in Martinicâ & Sancti Dominici Insulis. Arbor illa procera, jucundè frondescit, florescit editque fructus, qui toto anno per vices maturefcunt: Cucumeris figuram, magnitudinem, colorem sat bellè representant hi fructus; in basi depressi sunt, acuminati in apice; in superficie striati; cortice extûs, intûs medullâ & seminibus constantur. Medulla alba & solida primum, mucosâ evadit, quæ grato acidi sapore gustum recreat, sitim extinguit. Semina sive Nuces amara sunt; miro ordine coacervatim, juxtâ se invicem posita, singula fibroso pediculo revincta, racemum quemdam adumbrant, & in unoquoque fructu ad minimum quindecim, ad summum triginta quinque aut quadraginta numerantur. E fructibus maturis avelluntur Nuces, quæ postquam, ut dicunt, sudaverint, ad solem exsiccantur. Venalis prostat apud nos duplex Cacao species; prima, *Caracouensis* & exigua, quia magis unguinosa, minùs amara; alteri speciei quæ Cacao Insularum dicebatur, antecellit. Mercatorum avaritiâ aut ignorantia nititur illa opinio, quæ ob crassitiem aut parvitatem duas distinxit Cacao species; unica est. Itaque parvi refert ad delectum, an crassus exiguusve sit Cacao, modò sit ejus cortex lævis, subniger, Amygdala pinguis, succosâ, extûs coloris Avellanæ obscurioris, rubicundioris intûs, gustu paululùm amara & astringens: at proscribenda, quæ mucidum aut acerbum olet & sapit, aut quæ carie infecta est. Ad conficiendam probâ



3

notæ Chocolatam, cave ne in Cacao delectu, torrefactione, tritura aut mixtione hallucineris aut pecces? Ex his quatuor tota pendet confectionis & cum suavitate virtus. Igitur Cacao fructus probe electi, curiosè nudati cortice & pelle, tostati appositè, diù pinsiti, diutius lavigati suprà calentem lapidem, dein exactè cum saccharo & aromatibus tenuissimè pulveratis, si libuerit, exactè misceantur; iterùm atque iterùm lavigentur simul, undè fit pasta seu massa lævis, unguinosa, æqualis, quæ calens credatur Pyxidi ut refrigerando sensim induretur. Sic ritè parata ad annum & ultrà servari potest Chocolata; sed non nisi post tres à fabricâ menses in usum adhibenda, ne recentior fermentescens turbas moveat. Tùm hujus uncia una in scobem redacta, cum aquæ calentis unciis sex misceatur in Cacabo, liquor fervens ab igne semotus, rudiculâ donec multùm spumaverit, fortiter & partitis vicibus agitur, & statim calidum sorbeas jejunus, ut absque ullâ stomachi noxâ concoquatur, distribuatur. His variis artibus operibusque conficitur & exurgit Potus odore gratus, gustu suavis, salubritate nulli secundus; Asthmaticis, Emaciatis, Tabidis, Senibus præcipuè, ob balsamicam, roborantem, temperatam, coctū facilem naturam maxime proficius.

## I V.

**P**HTYSIS mentitur senectus: in utraqûe corpora debilitantur, emaciantur, atque contabescunt; solida rigiditate & spasmo, fluida lentore peccant & acritudine. In Tabæ *Hordeata*, *Oryzata*, *Amygdalata*, Lac & alia demulcentia feliciter adhibentur. In senio utiliter præscribitur Cacao. Eadem virtute unguinosâ, oleagineâ, *mucilaginosâ*, leniente pollet. Multiplici nomine iis longè præstat. Hæc acido referta, facile acefcunt; ille acoris expers, acefcit nunquam. Copiosius nutrit, melius digeritur, tenuatur exactius, in penitiores vaforum mæandros lenius distribuitur; ad ultimos usquè ductuum poros facilius pertingit, per quos particulæ (si quæ sint) nutritioni vel assimilationi minus aptæ foras abiguntur perspiratione. Nulla fit excrementitiarum partium congestio, in omni ætate, senili potissimum timenda. Has dotes Amygdalis Mexicanis perperam ascribi ne cederis? Eas demonstrant experientia, autoritas & ratio. Quot languidi, emaciat, senes decrepiti, modò sobrii & abstemii, ab earum usu quotidie reficiuntur, restaurantur, renovantur. Ab authoribus fide dignissimis, ut non pauci vitentur morbi, diuturniorque firmetur sanitas, commendantur hi fructus. Deniquè Analysis Chymica docet, ex iis Nucibus, 1°. Elici Phlegma limpidum, dulce; 2°. Spiritum sale per-

fectè falso saturum, nullam acidi aut alkali notam præbens; 3°. Oleum duplicis generis, prius, album, fluidum, summè volatile; posterius flavum, facillè concrefcens, atque ad Butyri accedens naturam. Ex superflite cinere paucillùm falis fixi educitur: nullum datur mixtum copiofiore olei, pariori falis quantitate donatum. Convenientius ne in naturâ alimentum reperies, quo rigiditas & siccitas solidorum fenectutis comes individua, oleofarum partium copiâ efficiùs relaxetur, emolliatur? Coria verustate regidiora oleo vulgari imbuta mollescunt. Ab iisdem partibus demulceri, irretiri succos acriores Senibus infestos, norunt omnes qui Chymiam vel à limine salutaverint. Phlegma inspidum, spiritus sale mox laudato gravidus, eosdem vel præstantiores effectus producet; sanguini & humoribus tenuitatem, fluorem & motum, partibus vigorem, flexibilitatem & tonum imperientur; quibus exerendis imparia essent quæcumque alimenta, sive ex vegetalibus, sive ex animalibus deprompta, priora sale acido, posteriora sale alkalino turgent; ab acidis inspissantur humores, à sale alkalino irritantur instiganturque solida eò vividiores *crispaturas* editura, quo majori rigiditate donantur. Chocolata quamvis tenuium sit partium, præparationibus præviis in pulvem chyli imò lactis æmulam & digesta facilem redigitur. Quot & quanta salubris hic potus senili corpori afferet bona? Intimiora partium etsi constrictarum repagula permeando, lubricat; spasmos remouet; oscillationem & elaterem vasorum restituit; ductus ad constrictionem proclives referat & expandit; succis lentescentibus fluiditatem; dulcedinem acescentibus; torpescantibus agilitatem; redundantibus & nocivis facilem exitum præbet; ob *mucilaginosas* butyrolasque particulas, & eam quam habet cum succo nutritio maximè propriam affinitatem, partibus reparandis facillè adhærescit. Sic nutritio, digestio, secretio ex naturæ votis absolvuntur, quæ in Senibus damnosè videntur feriari. Has functiones promouet & perficit modus quo sorbetur potus Chocolatæ. Proficiuos esse potus calidos tenui valetudine tentatis farentur omnes, fibras ventriculi corroborant, succorum circuitum iuvant, humores mucidos, crassos diluunt ac dividunt, diaphoresim cient. Quæ singula Senibus maximè conferunt, Igitur non ampliùs merum, sed Chocolata Lac senum dicatur. Merum partibus actiuosis, volatilibus, acidis, tartareis scatet, humores agit, spissat, vasa obstruit, irritat & maturat senectutem. Vini modicum sed diluti, ad solatium ætatis, non ad usum vitæ convenit, aliàs senes depascitur. His caret vitiiis nusquàm satis Senibus commendanda Chocolatæ potio; quæ licet calida, non effervesceat; Aromatica, non exsiccat; oleosa; non inflammat.

**N**ON ideo Chocolatam tantoperè Senibus prodesse existimaveris, quia nocivæ illius qualitates Aromatum admixtione salubritèr emendantur : Cacao correctione non indiget. Chocolata eò salubrior, quò simplicior. Repudientur Aromata quorum subsidio ejus cruditatem & fictitiam frigiditatem corrigere gestiunt. Quasi verò semen friabile, ductile, torrefactionem atque perfectam trituram perpeßum, partibus oleosis gratà amaritie gaudens, frigiditate argui posset : è contrariò inter præstantissima *Analeptica* atque *Stomachica* recensetur ; quippè potentèr corroborat, variisque morbis ventriculi, *Anorexia*, *Apepsia*, colicis doloribus, flatibus, &c. mirum in modum opitulatur. Forsan objicies, insunt in Chocolatà partes viscidæ, terrestres, maximè oleosæ quibus viscera infarciuntur, gignuntur obstructions, coctiones fiunt difficiles : Præviæ preparationes ab hac suspitione eam planè vindicant ; particula igneæ illi indita à torrefactione ; exactior partium divisio à tritu ; partium ærearum miscela ab agitatione ; oleum volatile quo dives est, obstructionibus referandis, subeundis digestionibus eam comparaverunt. Hæ probantur virtutes, observatione sanorum agrotantiumve, sexu, ætate, temperamento diversorum, qui omnes felici cum successu, omni tempore, ubique terrarum eâ solâ pro cibo utuntur ; & infantes ipsi in nutricis defectu hâc nonnunquàm perbellè nutriti sunt ; quidnè & senes ; primæ & ultimæ ætatis par fermè debilitas, utrique idem competit nutricatus. Non calidiorem in Cacao, sed sanguinis calori analogam indolem facillè recognoscet, qui attenderit pulsum assumptâ vel largâ dosi Chocolatæ non increbescere, augescere, nullum perferenti æstum, etsi pluriès in die epotetur, sitim ardentem subito extingui, placidum induci somnum, ac demùm pinguescere eos qui diù ejus usui insistent : tot & tanta, ut alimenti temperati, dulcis, benigni dotes representent ; sic etiam præcavendis ac medendis senum infirmitatibus aptimè conveniunt. Sed intrâ certos fines consistit sanitas. Si Cacao validius copiosiusque suppeditaverit nutrimentum, hâc ratione suspectus videbitur : experimentis innotuit ex uncia unâ horumce nucleorum, tantum succi nutritii educi, quantum ex librâ unâ carnis bubulæ. Esto, verùm magnum discrimen inter hos duos succos intercedit ; Cacao succum dulcem, tenuem, balsamicum, lymphæ nutritiæ affinem, omnibus innoxium suppeditat : carnes crassum, viscidum, salsum, efferum, senum constitutioni infestum sufficiunt nutrimentum. Faciliùs quantitas luxurians alimenti minuitur, quàm ejus prævæ qualitates corriguntur. Quantitatem alimenti ingerendi

indicant major vel minor appetitus, virium jactura, vivendi ratio; ætas, corporis habitus; etenim plus aequò faginatæ & otio & genio indulgentibus Chocolatâ interdici debet. Ad caducam senum valetudinem tuendam, alimenta minori mole assumpta, plurimum nutrientia præferre ne dubites? Venterculus non gravatur, obruitur; corpus nutritur uberius, promptius reficitur. Talem esse Chocolatam confirmat ejus vis *Aphrodisiaca*: id habet commune cum omnibus alimentis *Euchymis*; hic effectus in ætate provectâ non reformidandus; senes sapientiores eo non abutuntur, quemadmodum juvenes nonnulli: semper dulce est pulchrâ prole fieri parentem. Quid rides? Occupo; patria non tam prolem à Senibus quàm eorum consilia expostulat: expetit ut suis monitis atque exemplis publicæ utilitati inserviant; cui muneri non impares, dummodò rectâ vivendi ratione mentem sanam in corpore sano tueantur. Quod præstabit Chocolata, quæ chylum & sanguinem, spiritibus animalibus sufficiendis maxime aptos producit. Genesim & secretionem fluidi nervei uberiores reddit; certo sunt indicio, subita virium epotâ Chocolatâ refectio, mentis hilaritas. Quid plura? Ejus protractiori usu firmatur memoria, judicium maturius efficitur, sensus acuntur, corpus vigescit, vita demùm felicior prorogatur.

*Ergò Senibus Chocolatæ Potus.*

Proponebat Parisiis JOANNES-FRANCISCUS-CLEMENS MORAND, Parisinus, è Regiâ Scientiarum Academiâ Martensi, nec non Saluberrimæ Facultatis Medicinæ Parisiensis Baccalaureus, A. R. S. H. 1749, à sextâ ad meridiem.